



# EMBRACE

EBCC MUMBAI MONTHLY NEWSLETTER



EBCC Mumbai Khangthu a Baptisma Service neih masakna pen, April 17, 2018, Vashi

## GUEST EDITORIAL

### Mimal Taaksapna - Mimal Buaina ~ Chingngaihlian Tunglut

Laisiangthou kia hilou in, suutsiammite leh mihingte'n i tuahsate akipat a thudik muhtheih khat ahiehleh, **Kiaksiatna** (*The Fall*) ziakin **dangtaakna** li-anpi leh gilkialna thuuktak i nei uhi (Sam 42:1; Mathai 5:6, Isai 55:1-2). Kiaksiatna Khovel a Setan in pan nasatak a la ahieh man in (Johan 10:10, Ephesate 6:12), **taaksapna** tampi a hon tun hi.

Mimal a I taaksap zualpate hiате аhi uhi:

1. Significance (phatuam leh omzia nei a iki theihna)
2. Security (lungmuanna: iitna ah kimu)
3. Self Worth (Thupi leh man/value nei a iki theihna)

Hiai Significance, Security leh Self-Worth te hih buchin tam leh tawm dungzui kia hilou in, Pathian ah i koih leh koihlouh daan dungzui in I lungsim lam leh khalam dinmun sawkkha mahmah hi.

Pathian kia in hiai I taksap teng thum sukbuching thei hinapi in Amah ah zong ta lou in mihing dangte, neih leh lam leh khovel nopsakna I leh mihiipna te ah i zong ta uhi. I huchih sawt luat chiang in, **ki-diktatsakna**, **mahni hoih kisakna**, **ki-sianthousakna**, **tattleekna**, **huaihamna**, **hai-na leh gitlouhna** chituamtuam te'n hon bawm sek in, I kampau leh gamtatna ah seel vualloh in hong kilangkhe naak sek hi. Huaichiang in, i lungtangte uh khauh gawp in, khalam khantouhna taktak neilou in **Biakinn-kai Khristian** bang, **Laisiangthou-thei-lah-hin-pih-lou Khristian** bang i tam mahmah khawloh uhi. Huaiteng kia hilou in, chimoh, beidong leh zawngkhaal a aguuktak a khava mahmah aom bang leng akitam mahmah hi. Hiai mimal taaksapna peen ei mihing siam-daan leh theih-daan a buchinsak na di zong in i pumbuai sek uhi. Ahi alah, kipahna bukim leh lungkimna pumluum I mu zou ta kei uhi. Hiai mimal a taaksapna i neihte buchinglou atam luat chiang in lungsim leh kha a tokbuai a, huai in pumpi natawam ah nawngkaina/damtheihlouhna hon tun thei mawk hi.

**I khalam dinmun a adiklou om chiang in lungsim buaina leh haksatna nasatak a hon tun zel hi.** Khalam buaina tuntu lah sa leh lungsim a hong kipan ahi naak a. Huaiziakin, khalam buaina hih felna di'n lungsim leh pumpi buainate hihfel masak apoimoh hun tam mahmah hi. Huaiziakin, I lungsim pen Pathian thu a nouh in, gamtat ah langsak in hinpih lehang, Amah theihna i na mangngilhsa peen hihhingthak in ahong om nawn thei hi (Rome 12:1-2).

Pathian in simtute ki-enthak a apoimoh daan a kikhek utna lungtang, Jesu Khrist min in, hon pechiat ta hen.

## MAY KHA BIAKNA HUNZEEK

### Missionary Day Biakna program 06/05/2018

Conductor: Pa Kamzalian Tonsing  
Gelhluttu: Ngk. Biakching Guite  
Patna Thumna: Nu Manlianniang  
Greetings: Chairman, TBMC  
Phatna leh Biakna: Worship Team  
Missionary-te adia thumna: WT  
Thilpiak Lantu: Upa. Capt. (IN) L. Tonsing  
Thupuanna: Local Secretary & Others  
Phatna Laa: BYF  
Pastoral Prayer: Local Pastor  
Phatna Laa: Kalina Area Prayer Cell  
Thugenna: Local Pastor  
Phatna Laa: Antop Hill Prayer Cell  
Vualzawlina: Local Pastor

### Mothers' Day & Dorcas Day 13/05/2018

Conductor: Nu Catherine Vungremmawi  
Recording: Nu Kamching  
Opening Prayer: Pa Dr. Liankhanmung  
Greetings: Nu Dr. Lalthangmawi  
Biakna leh Phatna: Worship Team  
Offertory prayer: Upa Capt. (IN) L. Tonsing  
Announcement: Local Secretary & others  
Phatna Laa: BCD, BYF  
Prayer for Mothers: Local Pastor  
Phatna Laa: BDF  
Sermon: Local Pastor  
Phatna Laa: Ng. Sangi Shingto  
Benediction: Local Pastor

### Pentecost Sunday Biakna program 20/05/2018

Conductor: Pa Tunminlian Baite  
Patna thumna: Nu Thianhoih  
Thumkhawmna: Mipi  
Thohlom lantu: Local Secretary  
Thupuanna: Local Secretary & others  
Phatna Laa: Lia Phanehsang  
Thugenna: Pa Dr. Samuel Tonsing  
Vualzawlina: Local Pastor

### Sunday Skul Biakna program 27/05/2018

Conductor: Tv. V. Pumkhansiam  
Patna thumna: Ngk. Grace Muang  
Thumkhawmna: Mipi  
Thohlom lantu: Local Secretary  
Thupuanna: Local Secretary & others  
Phatna Laa: Pa Dinglian & family  
Sinsaktu: Local Pastor  
Vualzawlina: Local Pastor

## LOCAL SAPTUAM DEPARTMENTAL UPDATES

**TBSUC:**

- \* Holy Bible (Paite) adeih I om leh Local Secretary thuzakin a leithei gige ding.
- \* Labu - Biakna leh Phatna, prayer cell te a zang ut i om leh Local Pastor thuzakin a laktheih ding hi.

**TBDF:**

- \* Dorcate'n kon thil zuakte uh Saptuam mipite'n phatuamngai tak a nahon leisak zel ziak un kipahthu kon gen uhi. Maban ah le hon kithuahpih zel lai dingin ka kon ngen uhi.
- \* Dorca Kikhopna /Inn vehna sutzop touh theihzel a aom ziak in Pathian phat in om hen.

**TBMC:**

Pa Khamkhochinthang & Pa Tunminlian Baite te TBMC member dia nget leh phalsak ahi ua, April 29 in *commissioning* na Local Pastor in nei. Huaiban ah, Htp.Thawngson-hau, a sepna toh kisai a transfer a aom ziaka TBMC apat ki-awngsuut dia ahon ngetna le pom ahi. A omna thak ah Toupa'n ompih in vualzawl zel hen.

**TBYF:**

- \* BYF Mumbai apan in GBC student, kumkhat panpihna ding sum Rs.6000 (@Rs.500 per month) tu FY 2018-19 (April-March) a ding khak ahita. Toupa'n thupina tengteng tang henla, panpihna dawngtu pa/nu adi'n le Pathian hoihna leh chitna a theihsemna hileh chih I thumna ahi.
- \* Maban July/Aug vel a YWAM te toh Seminar/Workshop neih didan ki ngaihtuah lel.

## PRAYER CELL UPDATES

**NAVI MUMBAI PRAYER CELL**

Navi Mumbai prayer fellowship April kha a, Unaupa Siam Tunglut Inn, Seawoods Drive, Income Tax Colony a neih ahi. Atel kha ten nuam kisa mahmah hi. Tua ahihman in fellowship nawn chia hongtel dingin kon chial uhi.

Tu **May** kha apen hong tung ding **second or fourth Saturday** alemtang zawzaw hi ding hi. Ana ki mansak ahongtel ngei ding in iki ngen hi. Adak ahih leh nitaklam **6:30 pm** hitangpi hi. Hongtel inla, thu leh laa a Toupa houpihna thak, kipahna thak, vualzawl na leh hoihna i tante genkhawm in kipahthu genkhawmni.

**ANTOP HILL PRAYER CELL**

Antop Hill prayer cell ten April kha sung in second leh fourth Saturday in kikhopna Ngk. Lynda Nenem te inn leh Pa Houmang te inn ah ana kinei a, hiai hun in Nu Sharon apat in Pathian in thumna a dawn dan testimony thupitak ngaihkhiat a om a, hiai in thumna in thil ahih theih dan phawk thakthak in om hi.

Khanawn in Pathian lemsak pih ngei lam en in **second leh fourth Saturday** in Pa (Dr) Liankhanmung te inn leh Pa Dinglian te inn ah prayer fellowship program neih ding a lemsak ahi.

**WESTERN LINE PRAYER CELL**

Khalai lak in Toupa'n lem honsakpih leh 15th May, 2018 ni in, Pa Kamneikhup inn, Vasai East, ah neih sawm ahi. Ahun nitaklam dak 4 PM apat.

Ka member uh **Nu Ningzaniang** le 12th May chia Kerela a akhuk surgery hihdek ahi. Saptuam mipi te'n na **thumna** uah hon phawk pih un aw.

**KALINA PRAYER CELL**

April ah 4 vei kikhopna Pastor Quarter ah kinei hi. Nasepte Bu apan Bible reading leh sharing kinei zel hi. Bible quiz leng Nasepte Bung 1 sung apan khatvei kinei hi.

Pathian in damna hon piak a hunhoih hon bawlsak leh 5th May, 2018 chiang in le fellowship neih kisawm. Ahun 10:00 PM. Amun: Pastor Quarter. Kiginni nitak teng a kikhopna Pastor Quarter ah alem nakleh neih touh zel kisawm a, hong tel siausiau di'n ngainatakin kon chial uhi.



May 4 Biaklal Thomte  
 May 5 Muanching Hangshing  
 May 20 Joshua N Tuangoumung  
 May 20 Biaklun Tonsing  
 May 21 Chiinbiakmawi  
 May 27 Chingkhanman Baite  
 May 31 Ngaihnem



May 18 Malcolm Ovichegan & Ngaihlun Ovichegan  
 May 28 Dr.Liankhanmung Guite & Vungbiakching

## EMBRACE BIBLE QUIZ - 001

**Bible Quiz Portion Genesis Bung 1-25**

- Q1. Philistiantie suangtu kua ahia?
- Q2. Abram Pathian sapna dong a, a pot khiak a kuakua toh potkhia ahia?
- Q3. Tuipi si min dang bang ahia?
- Q4. Abram chiilsiamsa Lot hunkhia dia kuan mi bangzah ahi ua?
- Q5. Toupa angel in Hagar a muh na mun koi mun ahia?

**Quiz toh kisai theihtuakte:**

1. Embrace Newsletter a suah teng in Bible Quiz leng a hong om zel ding.
2. Quiz portion di Quiz saitau te'n hoih a saksak uh a hon taklang tawm zel ding uh.
3. A dawng dik tampen mi 5 tan kipahman piak ahi zel ding (monthly). A dawng dik mi 5 sang a tam zaw a om leh lottery system zat ahi ding.
4. Na Quiz dawnna ahih leh gelthoth in Biakinn mun leh WhatsApp tungtawn inle a piak theih ding.
5. Na dawnna pen khateng a Pathianni nanungpen tan a piak kim teitei ding ahi.
6. Quiz result ahih leh Embrace newsletter suah ni a puangkhiat zel ahi ding.

**Note:** Quiz toh kisai theih beh nuam neite leh Quiz dawnna WhatsApp tungtawn a submit nuam te'n contact- Lynda Nenem (7506150318) Kamung Ngaihte (8974956514) Thangvumsang Guite (8433634599)

**Set-Up Team leh Ushers  
- Apr & May 2018**

Lambiaklian Sektak,  
 Khamthansang, Khambiaksang  
 Mercy Kimlalmalsawm leh  
 Lianthiansiam